


廣宗縣志



廣宗縣志序



馬君恭甫志廣宗蓋當報政時
詮次其邑之故竇者也其義例
體裁恤隱垂則穆然有深恩焉
以示後之為令者宗人其永有
賴哉非所云舊政告新者耶先
是曾介飛令劉君問序于余余
許之會恭甫以勲歸不果是歲

志序

一

復令其猶子孝廉君持書請余
竇未敢忘遂藉手劉君為之校
讐劉君當晉邑而在事久於畿
南土俗人情與夫今昔之故每
譚及犁樊如指掌不數日而報
卒業余欣熒寓日遂有感于恭
甫之為斯志也蓋常人多傳舍
予在事去後誰復實念當劉君

請序時稱詮次有倫尚未脫臺
今恭甫去廣宗幾兩載歲而回
瞻棠蔭繫心文獻遺歲殷依如
有所缺必欲竟所未就則其他
所為留心宗人與宗人去後而
益思者此亦足以槩其一斑矣
余自受事以來每欲得人心皆
恭甫則輻輳相成所斷賴焉乃

忠序

二

垂之譚治者至或介守令為式
非通論也竊惟令不得人心未必
皆不賢者壞之而其所以最苦則
介于賢不賢之間而因循無所
事事者也夫因循之心固所云
傳舍其官自謂可相安而無所
患害然而策勵之意少苟且之
政多地方鮮所依賴

廟堂不爲備責玩愒卒歲優游待
遷寃也廢弛之形漸成壽壞之
病轉劇數季之後即以賢者醫
之卒困于錮疾而莫可救藥乃
其害更甚于不賢者以不賢常
亟公而因循易氣容也可太息
哉恭甫夙漸家學才而饒于幹
余業知其賢廣宗地僻而事簡

民淳而訟稀于郡屬號易理而
曾不以其故貶政二三年間儲
精剔釐垂情逮堅苟可便民即
扞勞怨計必爲之余每詢輿論
參之最善與今所爲忠大抵皆
實錄此益祖所易而病于因循
吝耶可以爲賢矣嗟心經紀
其家其畫慮甚精而稽記甚茂

於鄉鄰則否此非不歲鄉鄰
情奪于屬離而力限于畛域也
恭甫家視廣宗無弗精且核焉
任寄所局而不得平鄉鄰旁邑
者亦莫勢燮矣自斯志出諸
吏按成籍而求石畫將人心
奮于賢而不以因循自安即邑
無不治而郡得理分而末始不

合所謂三十輻共一轂者也其
于相成寧有涯哉余竊之矣恭
甫名協同州人劉君名九經郿
縣人皆余同里而二君又同臭
味此舉賓相訂政焉授梓者今
令廣宗張君名希載粵之海陽
人皆雅意吏治樂觀厥成者因
並書之

萬曆二十六年歲戊戌春正月
之吉知順德府事關西秦鞏晉
汝睦甫書



東至

四十里

東南至

明

圖

明

北至每鹿縣界四里

南至每鹿縣界五里


西至

西至


西至

西至


西至




縣城圖



縣治圖



聖廟圖



廣宗縣志目錄

諸圖

封域志卷一

建置志卷二

祠祀志卷三

田賦志卷四

官師志卷五

選舉志卷六

人物志卷七

廣宗縣志目錄序

雜志卷八

廣宗故有乘邑人呂令君信所輯者雖自成一家然不無繁蕪訛漏識者謂未足以備往詔來傳信行遠也余不佞代匱領邑幸地僻事簡竊有志論撰之會邑博譚君復以為請因遂與別為例作新志亡何譚君有南雍之

命以行余載筆簿書之暇幾一稔而志始成凡八卷其義例各見諸篇余不斐又蒐羅弗廣安敢謂遂無繁蕪訛漏也然以跡舊乘則刪潤更

訂者過半矣後之博雅君子藉是而更為損益
焉庶一邑之事可視諸掌哉萬曆二十四年閏
八月馮翊馬協志

廣宗縣志目錄序

廣宗縣志目錄終

廣宗縣志卷之一

文林郎知廣宗縣事馮翊馬協撰次

封域志

畫野分疆輿地爲先宗城蕞爾屬在股肱惟是稽星野辨方域徵沿革察風土調劑康乂司牧者所當考鏡也作封域志

廣宗本禹貢冀州之域星分昴宿至周屬邢春秋屬晉戰國屬趙秦置鉅鹿郡漢因之始置堂陽縣屬焉東漢分堂陽地置廣宗縣仍屬鉅鹿廣宗縣志卷一

三國屬魏晉屬安平國後魏置廣宗郡以縣屬隋避煬帝名改宗城縣屬清河郡唐于此置宗州州廢以縣屬貝州後復改為廣宗縣屬魏州宋屬大名府金復改宗城縣屬洺州元復為廣宗縣後省入平鄉縣尋復置屬順德路

明興因之屬順德府廣三十里袤九十里東至威縣界二十五里西至平鄉縣界五里南至立縣界五十里北至鉅鹿縣界四十里又西至于府城一百二十里北至京師千里

國初編戶以里縣凡十有五里曰南社曰北社
曰原保曰李懷曰塘疇曰舊店曰三周曰張國
曰青村曰板臺曰件只曰李磨曰在城曰崇文
曰仁義內惟南北二社為土著其塘疇以下九
社則永樂二年自山西遷來附籍者曰遷民而
保李懷二社則永樂四年自山東順附者曰順
民崇文仁義二社則成化中續增者蓋又遷民
強半焉民居自城郭外散處四境者有村有庄
有寨有疇有臺有屯有店共一百三十有三村

廣宗縣志卷一

小東大東南樊北樊鹽場紅龍葫蘆小庄東賀
固西賀固南張葛北張葛紅廟李磨李懷赤長
王村青村北葛南葛巨村前青輝村洗馬野村
油堡北尹三興懷窩馬鹿龐村東尹公村磚磗
東安西安舖上油房棗園棗科東孫巷張西竟
邑張南三周北三周東董里西董里東趙西趙
張魏西紅龍南長相北長相灣頭件只前北蘇
後北蘇百城舊店前五後王庄頭尹頭東灣頭
西灣頭小固保吉興古核桃園南伏城北伏城
大栢社小栢社庄曰南三里姚家賀家楊家周
家新庄樓子李家焦家田家南新北三里徐家
張家畢家相家邢家司馬蕭家南五里北五里
馬井北劉家東劉家丁家李家例家杜家刁家
寨曰白家全家侯家東霍城西霍城曹家荆家
趙家牛家馮家樓斗張胡老東白家劉全王胡
原保疇曰南塘北塘東石井西石井臺曰大平
小平東板西板屯曰常家蕭家板臺
喬里長店曰南孝路北孝路七斗

馬協曰廣宗在畿內為彈丸地又沙鹵無流味
之勝膏腴之沃也然以觀於輿圖則幅員非廣
而北閭族黨蕃布矣是非

聖朝德化遐濡所致歟守土者而有武城弦歌
之化晉陽保障之思則教豈必既富而固豈必
河山哉

古蹟有

沙丘臺在縣西北八里通考云大鹿之野有沙
丘之臺紂所築多取鳥獸置其中趙于此築

廣宗縣志卷一

沙丘宮史記惠文王四年主父及王遊沙丘別
宮公子章作亂公子成殺章圍主父三月餘饑
死宮中秦始皇東巡回崩于沙丘平臺亦在此
今皆廢遺址有大平臺小平臺

赤長廢城在縣東南十八里故址畧存

界橋在縣東東漢初平三年袁紹及公孫瓚戰
唐猶有古界城今皆不存

漳河故道由平鄉東衛家庄來縣西北十五里
馬鹿村入鉅鹿境是謂老漳河又曰

小漳河亦由平鄉東董沽村來縣南五里庄遠
城西折而北至板臺入鉅鹿境今皆湮塞
洺河故道由曲周龍唐村來縣東南十五里荆
家寨至李磨村東北入威縣鹿臺又一支自威
縣河窪村入縣東南二十五里刁家林歷公村
紅龍合於鹿臺今亦皆塞

洗馬潭在縣北八里洗馬村相傳漢光武十此
洗馬村西舊猶有大坑今漸平

潘井在縣東一里許甃砌堅完至今水猶甘冽
廣宗縣志卷一

四

俗傳潘太師飲馬井太師者美也又傳其牧馬
處曰

潘城窪在縣東南七里其地至今多茅草不生
五穀

春秋衛靈公塚按靈公薨葬沙丘宮穿塚得石
槨有銘云不馮其子靈公奪我里子常曰靈公
之為靈也久矣今失塚所在而縣故沙丘地舊
志載之疑以傳疑不敢闕也

元劉文貞公墓在城東公村八里有廢洺水入自

慶元祐間官大學士謚文貞葬棲霞鄉公孫家
即公村也今失其墓處

明 誥封吏部左侍郎崔斌墓在城北蘇村天
順七年諭葬

太子少保吏部尚書崔莊敏公墓亦在蘇村成
化五年諭葬其子尚寶司卿璿從葬

戶部員外郎李尚賓墓在城北青村

馬協曰余紀塚墓於古蹟後以皆在封域之中
云顧平蕪湮沒者已代運而往矣豈弓劍之藏

廣宗縣志卷一

五

反殊於其崇之憇抑採樵之禁未嚴于剪伐之
味邪

風俗廣宗民十七遷自山右故有晉唐遺風男
力稼穡女勤織紉雖以燕土貧而輸官租恐
後油然而有親上之意焉冠禮即士大夫少能行
之婚姻儀節亦畧有六禮意然委巷細民多尚
富勢不甚論班行避同姓等男女年章別未嚴
陰訟時有喪祭楮紳士遵文公家禮民間初喪
在城者輒先赴城隍廟哭焚鄉社各于其所在